

Նատայա Էլվանի Լափատրի



Ծնվել է 1974թ. սեպտեմբերի 3-ին Թբիլիսիում:

1980-1990թթ. սովորել է Թբիլիսիի թիվ 96 միջնակարգ դպրոցում:

1992թ. ընդունվել, 1996թ. ավարտել է Երևանի Խաչատուր Աբովյանի անվան մանկավարժական ինստիտուտը՝ պատմության ուսուցչի որակավորմամբ:

1997թ.-ից առ այսօր «Հայաստանի համայնքների ասոցիացիա» ՀԿ-ի գործադիր տնօրենն է, 2009 թվականից առ այսօր՝ «Հայաստանի համայնքների միություն» իրավաբանական անձանց միության գործադիր տնօրենը, ««Եվրոկովկաս» Եվրոռեզիո» իրավաբանական անձանց միության գործադիր տնօրենը:

2002 թվականից առ այսօր՝ Եվրոպայի խորհրդի Տեղական ու տարածքային իշխանությունների Կոնգրեսում Հայաստանի պատվիրակության քարտուղարն է:

1996-2000թթ. եղել է «Աջակցություն պետական ծառայությանը» ամսագրի գլխավոր խմբագրի տեղակալը, 1996-1999թթ.՝ ՀՀ Ազգային ժողովի պետաիրավական հարցերի հանձնաժողովի փորձագետ:

2002թ.-ից առ այսօր համայնքների ղեկավարների, համայնքային ծառայողների վերապատրաստման դասընթացների կազմակերպական հարցերով պատասխանատուն է, միաժամանակ իրականացնում է դասախոսական աշխատանք՝ վերապատրաստումների շրջանակում:

2005 թվականից առ այսօր՝ «Համայնքային կառավարման ակադեմիա» հիմնադրամի հոգաբարձուների խորհրդի անդամ է:

2011 թվականից առ այսօր՝ «Արենի փառատոն» հիմնադրամի հոգաբարձուների խորհրդի անդամ է:

2008-2009թթ. մեծամասնական ընտրակարգով ընտրվել է Երևան քաղաքի Նոր Նորք թաղային համայնքի ավագանու անդամ: 2009-2010 թվականներին համամասնական ընտրակարգով ընտրվել է Երևանի ավագանու անդամ:

2013 թվականի մայիսի 5-ին Հայաստանի Հանրապետական կուսակցության համամասնական ցուցակով ընտրվել է Երևանի ավագանու անդամ:

2011 թվականին պարգևատրվել է Հայաստանի Հանրապետության Ազգային Ժողովի Պատվո մեդալով՝ Հայաստանում տեղական ինքնակառավարման համակարգի զարգացմանը զգալի ավանդի համար:

2006թ. պարգևատրվել է Հայաստանի Հանրապետության վարչապետի հուշամեդալով՝ Հայաստանում տեղական ինքնակառավարման համակարգի զարգացմանը զգալի ավանդի համար:

Տարբեր տարիներին ստացել է պատվոգրեր, վկայականներ, հավաստագրեր միջազգային տարբեր կազմակերպություններից (այդ թվում՝ Համաշխարհային բանկ, GTZ, USAID, InWent, Եվրոպայի խորհուրդ և այլն):

Անկուսակցական է:

Ամուսնացած է, ունի մեկ որդի: